

## სტუდენტური მრგვალი მაგიდის ჩატარების ინსტრუქცია

1. სტუდენტური მრგვალი მაგიდის მიზანია სტუდენტთა სამეცნიერო პოტენციალის წარმოჩენა და განვითარება.
2. სტუდენტური მრგვალი მაგიდის ჩატარებას უზრუნველყოფს ინტერნაციონალიზაციისა და სამეცნიერო კვლევების სამსახური.
3. მრგვალ მაგიდაში მონაწილეობა შეუძლიათ ბაკალავრიატის სტუდენტებს.
4. მრგვალ მაგიდაში მონაწილეობის მიღების მსურველი წარმოადგენს განაცხადს – პირად მონაცემთა ფორმასა (იხ. დანართი A) და მოხსენების ტექსტს, მისადმი წაყენებული ტექნიკური მოთხოვნების დაცვით (იხ. დანართი B).
5. განაცხადი და მოხსენების ტექსტი წარმოდგენილ უნდა იქნეს როგორც ელექტრონული (lawconference@tsu.ge), ისე ბეჭდური სახით (თსუ II კორპუსი, ოთახი N121). ხელნაწერი არ მიიღება. მოცულობა არ უნდა აღემატებოდეს A4–ის ფორმატის თაბახის 10 გვერდს.
6. ავტორებმა უნდა წარმოადგინონ 10–15 წუთიანი მოხსენებები ზეპირი გამოსვლის სახით (შესაძლებელია Power Point-ის სლაიდების გამოყენება).
7. მრგვალ მაგიდაში გამარჯვებულად ჩაითვლება შერჩეული სამი საუკეთესო ნაშრომი ავტორი (I, II და III ადგილი).
8. სამეცნიერო ნაშრომის შეფასებას ახდენს იურიდიული ფაკულტეტის დეკანის ბრძანებით დამტკიცებული იურიდიული ფაკულტეტის პროფესორებისა და მოწვეულ ექსპერტთა კომისია.
9. სამეცნიერო ნაშრომის შეფასების კრიტერიუმებია: თემის აქტუალობის წარმოჩენა და მიღებული შედეგების დასაბუთება – 10 ქულა; თავისუფალი აზროვნება და დასკვნების გაკეთების უნარი – 10 ქულა; პრეზენტაციისა და დისკუსიის წარმოების უნარი – 10 ქულა; ნაშრომის ტექნიკური შეფასება (დაცულია თუ არა სტრუქტურის ლოგიკური ხაზი და ციტირება).
10. მრგვალ მაგიდაში გამარჯვებულებს გადაეცემათ გამარჯვების დამადასტურებელი ცნობა.
11. მონაწილეობის მსურველთა განაცხადი და მოხსენების ტექსტი მიიღება თსუ იურიდიული ფაკულტეტის ინტერნაციონალიზაციისა და სამეცნიერო კვლევების სამსახურში (თსუ II კორპუსი, ოთახი N121), 2017 წლის 13 იანვრის ჩათვლით.

**განაცხადი (სტუდენტის პირადი მონაცემების ფორმა)**

სახელი, გვარი:

თემის სათაური:

მიმართულების დასახელება:

სასწავლო სემესტრი:

მისამართი:

ტელეფონის ნომერი:

ელ. ფოსტის მისამართი:

ხელმძღვანელის სახელი და გვარი, სამეცნიერო ხარისხი:

მიგიღიათ თუ არა მონაწილეობა სტუდენტურ სამეცნიერო კონფერენციაში:

### საკონფერენციო ნაშრომისადმი წაყენებული ტექნიკური მოთხოვნები

ნაშრომი უნდა იყოს მკაფიოდ სტრუქტურირებული (შესავალი, ძირითადი ნაწილი, დასკვნა). ტექსტი უნდა იყოს დაბეჭდილი შრიფტით Sylfaen (ქართ.) და Sylfaen (ლათ.). ძირითადი ტექსტის შრიფტის ზომა - 12. სქოლიოების ტექსტის შრიფტის ზომა - 10.

სქოლიოები უნდა იყოს განთავსებული თითოეული გვერდის ბოლოს.

წყაროები უნდა იყოს ციტირებული შემდეგნაირად:

ა) **წიგნი**: ავტორის სახელის ინიციალი და გვარი, ნაშრომის დასახელება, გამოცემის ადგილი, გამოცემის წელი, მითითებული გვერდი (მაგ., ლ. ალექსიძე, თანამედროვე საერთაშორისო სამართალი, თბილისი, 2010 წელი, გვ. 15.);

ბ) **საჟურნალო სტატია**: ავტორის სახელის ინიციალი და გვარი, სტატიის დასახელება *იტალიკით*, ჟურნალის დასახელება, გამოცემის ნომერი, გამოცემის წელი, მითითებული გვერდი (მაგ., ქ. პოლმანი, ადამიანის უფლებათა დაცვის სფეროში კვლევების ზოგიერთი პერსპექტივა, ქართული სამართალი მიმოხილვა, I, 2001 წელი, გვ. 83.);

**წიგნზე, ჟურნალსა და სტატიაზე მითითება ხდება დედნის ენაზე**. უცხოენოვანი წიგნის დასახელება არ ითარგმნება ქართულ ენაზე.

გ) **საერთაშორისო სასამართლოების, მათ შორის ადამიანის უფლებათა ევროპული სასამართლოს გადაწყვეტილება**: მიეთითება საქმის სახელი ქართულ და ორიგინალურ ენაზე *იტალიკით*, გადაწყვეტილების მიღების თარიღი და პუნქტი. მაგ., *ბრონდა იტალიის წინააღმდეგ (Bronda v. Italy)*, 1998 წლის 9 ივნისი, 21-ე პუნქტი.